



Igl terz quartal 2022 ò la suprastanza communal tracto tranter oter igls affars suandonts:

Immobiglias, fatgs da santieri e sepultura, provedimaint d'ava

- Decisiun da duvrar la Villa Aurora a Savognin a parteir digl avost 2023 scu li da ramplazzamaint per la scoletta, durant igl taimp tgi la nova tgesa da scola vign biageida.
- Approvaziun digl contract da fittanza cun Monica Katie Cerrato pertutgont la fittanza dall'ustareia Alpina a Salouf. Igl contract vala a parteir digl aton 2022.
- Approvaziun digl contract da fittanza cun Maik Gantner pertutgont la fittanza digl kiosc Lai Barnagn a Savognin. Igl contract vala a parteir dalla stad 2023.
- Approvaziun digl contract da compra per l'anterioura tgesa da scola e da cumegn a Rona.

Fatgs generals, fatgs da personal, economia e provedimaint d'energeia

- Decisiun da prolungar la cunvignientscha cun Crossiety per 5 onns.
- Approvaziun dalla cunvignientscha pertutgont las prestaziuns da sarvetsch e purscheidas da products cun la Resurses SA.
- Decisiun da dulzar igl prietsch per l'electricitad dall'Ovra electrica Surses per igl onn 2023 per 3 raps agl kwh sen 21.16 raps/kwh.
- Decisiun da metter an vista alla firma xseed.works da surpiglier igls costs per las ulteriouras lavours an connex cun igl project digl bindel ultralartg (UHB), chegl vot deir per l'elaboraziun digl project e digl concept, per la publicaziun e per activitads d'experts.

Turissem

- Decisiun da prancepi d'introdueir igl "obligatori da WebMeldeclient" per registrar las pernottaziuns digls giasts. Igl obligatori vign fixo ainten las disposiziuns executivas tar la lescha da taxas da giasts e da turissem digl cumegn da Surses.

Siertad publica e traffic

- Decisiun da declarar vavevla l'iniziativa per en scumond da fis artificials aint igl cumegn da Surses, considerond tgi 118 persungas cun dretg da votar on sottascretg l'iniziativa.
- Decisiun da scumparteir e signalisar igl parcadi Plan Weis a Beiva an ena surfatscha per parcadis permanents ed ena surfatscha per giasts digl de. La fegnameira è da saveir rumager la neiv an moda pi effizianta.
- Decisiun da surdar las lavours d'impressari ve dalla Punt Mulegn a Parsonz alla Battaglia Bau AG, Savognin.
- Approvaziun dalla cunvignientscha cun la PostAuto AG per igl traffic digl bus da sport per igl anvien 2022/23.
- Decidia da porscher igl travagl digl bus per eir a Radons er igl anvien 2022/23 (davent dalla farmada da bus tar igl Hotel JUFA anfignen tar la tgesa da vacanzas Pianta a Radons) e da surdar l'incumbensa all'interpresa Marco Jäger Transporte/Taxi, Sur.

Fatgs da biagier, planificaziun digl territori e planisaziun locala

- Decisiun da surdar diversas lavours pertutgont igl project d'investiziun dall'Arena da sport La Nars a Savognin:
 - lavours da puntanadas: L&K Gerüstbau, Tusang
 - lavours pertutgont fanestras da lenn/metal: Poltera Holzbau AG, Tinizong
 - lavours per fatschedas cun fanestras grondas: Ughini Metallbau AG, Tgazzas
 - lavours d'electricitad: Elektro Banzer AG, Tusang
 - illuminaziun dalla piazza da tennis: Elektro Banzer AG, Tusang
 - lavours per la surstructura dalla piazza da tennis: Schutz Filisur AG, Filisour
 - montascha dall'ansuada dalla piazza da sport: Joseph Tennisplatzbau AG, Igis
 - lavours da tetg plat cun izolaziuns: Stieger Bedachungen, Cunter
 - lavours da construcziuns an metal per la balustrada digl magasin: Sonder SA, Mon
 - furniziun digl indrez da fardaglia pertutgont la patinera mobila incl. montascha e demontascha digl sistem da bandas mobil: Sportprojekt AG, Wolfhausen ZH

- Decisiun da surdar las lavours d'impessari per l'installaziun da molocs all'antrada dalla vischnanca a Savognin nord aint igl quartier Cresta/Tgampi alla Battaglia Bau AG, Savognin.
- Decisiun da surdar las lavours da cuvreida e da cuntschadeira ve da veias communalas alla Mettler Prader AG, Coira/Cunter.
- Decisiun da surdar las lavours da cuvreida tar igls molocs a Beiva alla Mettler Prader AG, Coira/Cunter.
- Decisiun da surdar la construcziun digl parcadi a Tignas Sot (Crousch Pitschna) alla firma Ardüser Bauunternehmung AG, Alvagni/Savognin.
- Decisiun da surdar las lavours per eriger parcadis provisorics sen la parcella dalla Villa Aurora a Savognin alla Battaglia Bau AG, Savognin.
- Decisiun da surdar l'incumbensa per la seradeira dalla tgesa da scola a Beiva alla firma Oscar Prevost AG, Tusang.

Ovras communalas, infrastruttura turistica, economia forestala

- Decisiun da surdar la labour per la construcziun digl tratg dalla veia da velos da Sur a Marmorera alla firma Trailworks Biketrails und Wanderwege GmbH, Ennenda.
- Decisiun d'incumbensar igl biro Widmer Ingenieure AG, Coira/Tinizong da far las lavours d'inschignier da construcziun per la nova punt sur la Gelgia a Tinizong (sen l'otezza digl luvratori forestal). An connex cun igl project d'equipaziun digl Gôt Grond stò la punt existentia neir ramplazzada.
- Decisiun da surdar l'incumbensa per igl indrez fotovoltaic sen igl tetg a piz dall'ARA a Cunter allas Ovras electricas digl martgea da Turitg.
- Decisiun da surdar las lavours per igl tractamaint dalla surfatscha (cuvreida da sprizzar) pertutgont igl tschancung Veia Tua dalla Veia da Cavreccia a Beiva alla firma Mettler Prader AG Coira/Cunter.
- Decisiun da surdar diversas incumbensas per la nova veia da quartier aint igl territori Sulom a Savognin:
 - Planisaziun e direcziun da construcziun: Planisaziun Sonder SA, Salouf
 - Lavours d'impessari: Battaglia Bau AG, Savognin
 - Lavours sanitaras: Cavegn AG, Savognin
 - Lavours d'electricitad: Ovras electricas digl martgea da Turitg

Tinizong, igls 7 da november 2022

Suprastanza communal da Surses